

“Ary hitady Ahy hianareo, dia ho hitanareo Aho,
raha katsahinareo amin’ ny fonareo rehetra.”

**Ny Fomba
Ahalalana
An’ Andriamanitra**

NY FOMBA AHALALANA AN' ANDRIAMANITRA

Tahaka ny naha-“Sakaizan’ Andriamanitra” an’ i Abrahama noho ny faneken’ sy fankatoavany Azy, dia afaka ny hahafantatra an’ Andriamanitra koa ianao ary hahatsapa ny famindrampony, ny fiadanany ary ny fitahiany. Ny fahalalana an’ Andriamanitra amin’ ny fanekena Azy marina no zava-dehibe indrindra eo amin’ ny fiainana. Tena mahagaga ny finiavan’ Andriamanitra haneho ny momba Azy amin’ ireo rehetra izay mitady Azy marina!

Raha miala amin’ ny lalana falehanao ianao ka tena manaiky marina an’ Andriamanitra, dia hitoetra ao anatin’ ny Fanahiny. Tsy hisy hahasarak’ anao amin’ ny fitiavany raha mbola mitoky amin’ ny teny fikasany sy manara-dia Azy koa ianao. Ho Andriamanitrao Izy, ary ianao dia ho fananany manokana sy ho sarobidy aminy. Dia ho hitanao fa efa nividy anao tamin’ ny vidy lafo be Izy, ary te-hanana fifandraisana aminao izao ary ho mandrakizay.

Mangataha amin’ Andriamanitra hanomezany anao fahazavan-tsaina eo am-pamakiana ireto pejy misy toko sy andininy avy tamin’ ny Tenin’ Andriamanitra ireto. Andriamanitra dia nanindry mandry lehilahy maro izay nanana toe-panahy araka an’ Andriamanitra mba hanoratra ireo teny ireo; ary koa niaro tamin’ ny fomba mahagaga ny teniny Izy nandritra ny fifandimbiasan’ ny taranaka maro, na dia teo aza ny ezaka rehetra nataon’ i Satana handevonana azy ireo.

Ireo Soratra Masina hita ato amin’ity boky ity dia nalaina avy tamin’ ny Baiboly: Ny Lalàna (Torah), ny Salamo (Zabur), ny soratra navelan’ ireo mpaminany, ary ny Filazantsara (Injil).

TSY MISY AFA-TSY ANDRIAMANITRA TOKANA SADY MARINA

1

Deuteronomia 6:4b, 5

Jehovah Andriamanitsika dia Jehovah iray ihany. Ary tiava an'i Jehovah Andriamanitrao amin' ny fonao rehetra sy ny fanahinao rehetra ary ny herinao rehetra.

Isaia 45:18

Fa izao no lazain' i Jehovah, Izay nahary ny lanitra (Izy no Andriamanitra) sady namorona ny tany sy nahavita azy (Izy no nandamina azy; tsy ho tany tsy misy endrika tsy akory no namoronany azy, fa nataony honenana).

Mpanjaka I. 8:60

Mba ho fantatry ny firenena rehetra ambonin' ny tany fa Jeho-

vah no Andriamanitra, fa tsy misy afa-tsy Izy.

Isaia 43:10, 11

Hianareo no vavolombelok, hoy Jehovah, ... mba hahafantaranao sy hinoanareo Ahy ka ho azonareo tsara fa Izaho no Izy; talohako dia tsy nisy andriamanitra voaforona, sady tsy hisy handimby Ahy. Izaho dia Izaho ihany no Jehovah, ary tsy misy Mpanjy afa-tsy Izaho.

Isaia 45:22

Mijere Ahy, dia ho voavonjy hianareo, ry vazan-tany rehetra! Fa Izaho no Andriamanitra, ka tsy misy hafa.

MAMINDRA FO SY MIANTRA ANDRIAMANITRA

Salamo 103:8, 11

Mamindra fo sy miantra Jehovah, mahari-po sady be famindrampo. Fa tahaka ny hahavon' ny lanitra ambonin' ny tany no haben' ny famindrampony amin' izay matahotra Azy.

Fitomaniana 3:32

Eny, fa na dia mampahory aza Izy, dia mbola hiantra ihany araka ny haben' ny famindrampony.

Salamo 103:17a, 18b

Fa ny famindrampon'i Jehovah dia hatramin' ny taloha indrindra ka ho mandrakizay amin' izay ma-

tahotra Azy.... Sy mahatsiaro hankato ny didiny.

Mika 7:18

Iza no Andriamanitra tahaka Anao, Izay mamela heloka...? Fa tia famindrampo.

Fitomaniana 3:22

Ny famindrampon' i Jehovah no tsy nahalany ritra antsika, fa tsy mitsahatra ny fiantrany.

Salamo 18:25a

Ny olona tsara no isehoanao fa tsara.

Tantara I. 16:34

Miderà an' i Jehovah, fa tsara Izy: fa mandrakizay ny famindrampony.

Jeremia 31:3

Tany lavitra any no nisehoan' i Jehovah tamiko ka nanao hoe: Fitiavana mandrakizay no nitiavako anao, koa izany no nampaharetako famindrampo ho anao.

Jeremia 29:11

Fa Izaho mahalala ny hevitra iheverako anareo, hoy Jehovah, dia hevitra hahatonga fiadanana, fa tsy loza, mba hanome anareo fanantenana ny amin' ny farany.

Malakia 1:2a

Efa tia anareo Aho, hoy Jehovah.

Salamo 103:13

Tahaka ny fiantran' ny ray ny zanany no fiantran' i Jehovah izay matahotra Azy.

Indro, tonga fiadanana ilay fahoriana mangidy dia mangidy nanjo ahy, ary ny fitiavanao no namonjenao (Andriamanitra ô) ny fanahiko tsy hankany amin' ny lavaka fahalevonana; fa narianao teo ivohonao ny fahotako rehetra.
—Isaia 38:17

Ary isika efa mahalala sy mino ny fitiavan' Andriamanitra antsika. Isika tia, satria Izy efa tia antsika taloha. —Jaona I. 4:16a, 19

Jehovah Andriamanitrao no ao aminao, mahery Izy ka hamonjy; hiravoravo anao amin' ny fifaliana Izy; ho sondriana amin' ny fitiavany Izy; hifaly anao amin' ny fihobiana Izy. —Zefania 3:17

4 NY FAHALALANA AN'ANDRIAMANITRA NO ZAVA-DEHIBE INDRINDRA EO AMIN'NY FIAINANA

Daniela 11:32b

Fa ny olona izay mahalala an' Andriamaniny kosa dia hifikitra amin' izany ka hankatò azy.

Fa izay te-hirehareha dia aoka hirehareha amin' izao: dia ny fahendreny sy ny fahalalany Ahy ho Jehovah, izay manao famindrampo sy fitsarana marina ary fahamarinana etỳ ambonin' ny tany; fa izany no sitrako, hoy Jehovah. —Jeremia 9:23

Miantso ny lanitra sy ny tany aho anio ho vavolombelona aminareo fa era nataoko teo anoloanao ny fiainana. Dia ny ho tia an' i Jehovah Andriamanitrao hianao

ka hihaino ny feony sy hifikitra aminy. —Deuteronomia 30:19a, 20a

Sambatra izay mitandrana ny tenivavolombelony ka mitady Azy amin' ny fo rehetra.

—Salamo 119:2

Fa famindrampo no sitrako, fa tsy fanatitra alatsa-dra, ary fahalalana an' Andriamanitra noho ny fanatitra dorana. —Hosea 6:6

Tahaka ny diera mihanahana maniry ny rano an-ony no anirian' ny fanahiko Anao, Andriamanitra ô.

—Salamo 42:1

Dia hoy Izy: Ny Tavako no handeha, dia hanome anao fitsaharana Aho. —Eksodosy 33:14

MITERAKA FAHAFATESANA NY TSY FIANKINANA AMIN'ANDRIAMANITRA

5

Tantara II. 15:2b

Jehovah momba anareo, raha hianareo momba Azy; ary raha mitady Azy kosa hianareo, dia hahita Azy; fa raha mahafoy Azy hianareo, dia hahafoy anareo Izy.

Petera II. 2:9

Dia fantatry ny Tompo izay hamonjeny ny tsara fanahy amin' ny fakampanahy sy ny hitehirizany ny olona tsy marina amin' ny fijaliana ho amin' ny andro fitsarana.

Ohabolana 16:25

Misy làlana ataon' ny olona ho mahitsy, kanjo làlana mivarina any amin' ny fahafatesana no iafarany.

Jeremia 17:9

Ny fo dia mamitaka mihoatra noho ny zavatra rehetra sady manana aretina tsy azo sitranina; iza moa no mahafantatra ny aminy?

Samoela I. 12:15a

Fa raha tsy mihaino ny tenin' i Jehovah kosa hianareo, fa mandà ny didiny, dia hamely anareo ny tànan' i Jehovah tahaka ny namelezany.

Jaona 15:6

Raha misy tsy miray amiko, dia ariana eny ivelany tahaka ny sampany izy ka malazo; ary angonina izy ka atsipy ao anaty afo, dia ho may.

6 IZAY TE-HAHAFANTATRA AN'ANDRIAMANITRA DIA TSY MAINTSY MIKATSAKA AZY

Jeremia 29:13

Ary hitady Ahy hianareo, dia ho hitanareo Aho, raha katsahinareo amin' ny fonareo rehetra.

Ohabolana 2:4, 5

Raha mitady azy toy ny fitady volafotsy hianao ary mikatsaka azy toy ny fikatsaka harena afenina: dia ho fantatrao marina ny fahatahorana an' i Jehovah, ... fahalalana an' Andriamanitra.

Hebreo 11:6

Fa raha tsy amin' ny finoana, dia tsy misy azo atao hahazoana sitraka aminy; fa izay manatona an' Andriamanitra dia tsy maintsy mino fa misy Izy sady Mpa-

maly soa izay mazoto mitady Azy.

Mangataha, dia homena hianareo; mitadiava, dia hahita hianareo; dòn-dòn, dia hovohana hianareo.
—Matio 7:7

Tiako izay tia ahy; ary izay fatra-pitady ahy dia hahita ahy.
—Ohabolana 8:17

Tsara Jehovah amin' izay manantena Azy, dia amin' ny olona izay mitady Azy.
—Fitomaniana 3:25

Fa raha toa ahy kosa dia hitady an' Andriamanitra aho, ary Andriamanitra ihany no hotolorako ny teniko.
—Joba 5:8

Tantara II. 30:9b

Fa miantra sy mamindra fo Jehovah Andriamanitrareo, ary tsy mba hiamboho anareo Izy, raha miverina aminy hianareo.

Salamo 86:5

Fa Hianao, Tompo ô, no tsara sady mamela heloka ary be famindrampo amin' izay rehetra miantso Anao.

Jakoba 4:8a

Manatona an' Andriamanitra, dia hanatona anareo Izy.

Avia ary hifandahatra isika, hoy Jehovah: na dia tahaka ny jaky aza ny fahotananareo, dia ho fotsy tahaka ny orampanala, na dia mangatrakatraka tahaka ny

sily aza, dia ho tahaka ny volon'ondry fotsy.
—Isaia 1:18

Jehovah dia eo akaikin' izay rehetra miantso Azy, dia izay rehetra miantso Azy marina tokoa.
—Salamo 145:18

Mankanesa atỳ amiko, hianareo rehetra izay miasa fatratra sy mavesatra entana, fa Izaho no hano-me anareo fitsaharana. Ento ny ziogako, ka mianara amiko; fa mamelemy fanahy sady tsy miavona am-po Aho; dia hahita fitsaharana ho an' ny fanahinareo hianareo.
—Matio 11:28, 29

Ary izay manatona Ahy dia tsy mba holaviko mihitsy.
—Jaona 6:37b

Eksodosy 15:11a

Jehovah ô, iza moa no tahaka Anao, ... Izay ankalazaina amin' ny fahamasinana?

Samoela I. 2:2a

Tsy misy masina tahaka an' i Jehovah, fa tsy misy afa-tsy Hianao.

Joba 34:10b

Lavitra an' Andriamanitra ny hanao ratsy! Ary lavitra ny Tsitoha ny hanao meloka!

Apokalypsy 15:4a

Iza no tsy hatahotra? Ary iza no tsy hankalaza ny anaranao, Tompo ô? Fa Hianao ihany no masina.

Isaia 6:3b

Masina, masina, masina Jehovah, Tompon' ny maro; henika ny voninahiny ny tany rehetra.

Isaia 57:15a

Fa izao no lazain' ny Iray avo sy manerinerina, Izay monina mandrakizay, Masina no anarany: Ao amin' ny fitoerana avo sy masina no onenako.

Salamo 145:17

Marina Jehovah amin' ny làlany rehetra, sady mamindra fo amin' ny asany rehetra.

Marka 10:18b

Tsy misy tsara afa-tsy Iray ihany, dia Andriamanitra.

FAHAMASINANA NO TAKIAN'ANDRIAMANITRA AMIN'NY OLONY

9

Jakoba 2:19, 20

Hianao mino fa iray ihany no Andriamanitra; koa tsara izany ataonao izany,—ny demonia koa mba mino izany ka dia mangovitra. Moa tsy fantatrao va, ry olom-poana, fa tsy vanona ny fi-noana tsy misy asa?

Jaona I. 3:10

Izany no mampiseho miharihary izay Zanak' Andriamanitra sy izay zanaky ny devoly. Tsy mba avy amin' Andriamanitra izay rehetra tsy manao ny marina sy izay tsy tia ny rahalahiny.

Fahavetavetana eo imason' i Jehovah ny làlan' ny ratsy fanahy;

fa izay fatra-panaraka ny fahamarinana no tiany. —Ohabolana 15:9

Miezaha mitady fihavanana amin' ny olona rehetra ary fahamasinana; fa izay tsy manampahamasinana dia tsy hahita ny Tompo. —Hebreo 12:14

Fa araka ny fahamasinan' Ilay niantso anareo, dia aoka mba ho masina koa hianareo amin' ny fitondrantena rehetra.

—Petera I. 1:15

Ny tsara no tadiavo, fa aza ny ratsy, mba ho velona hianareo; ka dia homba anareo Jehovah, Andriamanitry ny maro, araka izay efa nolazainareo. —Amosa 5:14

Mika 6:8b

Sy izay ilain' i Jehovah aminao, dia izao ihany: Ny hanao ny marina sy ny ho tia famindrampo ary ny hanaraka an' Andriamanitrao amin' ny fanetren-tena.

Aoka ho masina hianareo, satria masina Aho, Jehovah Andriamanitrareo. —Levitikosy 19:2b

Tiava an' i Jehovah Andriamanitrao amin' ny fonao rehetra sy ny fanahinao rehetra sy ny herinao rehetra ary ny sainao rehetra ary, Tiava ny namananao tahaka ny tenanao. —Lioka 10:27b

Fantatrao ny didy hoe: Aza mamono olona, Aza mijangajanga,

Aza mangalatra, Aza mety ho vavolombelona mandainga, Aza manambaka, Manajà ny rainao sy ny reninao. —Marka 10:19

Ary aza manaraka ny fanaon' izao tontolo izao; fa miova amin' ny fanavaozana ny saina.

—Romana 12:2a

Aoka tsy hiala amin' ny vavanao ity bokin' ny lalàna ity, fa saintsaino andro aman-alina, hitandremanao hanao araka izay rehetra voasoratra eo; ary amin' izany dia hahalavorary ny lalananao hianao sady hambinina.

—Josoa 1:8

Manàna finoana an' Andriamanitra. —Marka 11:22b

Izao enina izao no halan' i Jehovah,—eny, fito no ataony ho fahavetavetana: ny maso miavonavona, ny lela fandainga, ary ny tàana mandatsa-dra marina, ny fo mamoron-tsain-dratsy, ny tongotra malaky mihazakazaka hanao ratsy, ny mamoaka lainga ho vavolombelona tsy marina, ary ny mamafy ady ao amin' ny rahalahy.
—Ohabolana 6:16-19

Isaia 61:8a

Fa Izaho Jehovah dia tia rariny; halako ny fandrombahana.

Apokalypsy 21:8

Fa ny osa sy ny tsy mino sy ny vetaveta sy ny mpamono olona sy ny mpijangajanga sy ny mpanao

ody ratsy sy ny mpanompo sampy ary ny mpandainga rehetra dia hanana ny anjarany ao anatin' ny farihy mirehitra afo sy solifara; izany no fahafatesana faharoa.

Malakia 2:15b, 16a

Koa dia tandremo ny fanahinareo, ary aoka tsy hisy hamitaka ny vadin' ny fahatanorany. Fa halako ny fisaoram-bady, hoy Jehovah, ... sy ny fanosenana fampahoriana amin' ny fitafiany.

Zakaria 8:17

Ary aza misy mieritreritra ao am-ponareo hanisy ratsy ny nananareo hianareo, ary aza tia fianianan-tsy to; fa izany rehetra izany dia halako, hoy Jehovah.

12 TSY MAHATANTERAKA IZAY TAKIAN'ANDRIAMANITRA NY OLOMBELONA

Fa fantatro hianareo, fa tsy misy fitiavana an' Andriamanitra ao am-ponareo. —Jaona 5:42

Fa na iza na iza mitandrina ny lalàna rehetra, nefa diso amin' ny iray loha, dia meloka amin' izy rehetra. —Jakoba 2:10

Dia hoy izaho: Lozako! maty aho! fa lehilahy maloto molotra, sady ato amin' ny firenena maloto molotra no itoerako, fa ny Mpanjaka, dia Jehovah, Tompon' ny maro, no efa hitan' ny masoko. —Isaia 6:5

Koa izay mahalala hanao soa, nefa tsy manao, dia heloka ho azy izany. —Jakoba 4:17

Araka ny voasoratra hoe: Tsy misy marina na dia iray akory aza. Fa samy efa nanota izy rehetra ka tsy manana ny voninahitra avy amin' Andriamanitra.

—Romana 3:10, 23

Tsy mba avy amin' Andriamanitra izay rehetra tsy manao ny marina sy izay tsy tia ny rahalahiny.

—Jaona I. 3:10b

Isika rehetra dia samy efa nania tahaka ny ondry, samy efa nivily ho amin' ny lalantsika avy isika rehetra.

—Isaia 53:6a

Iza no mahajanona eo anoloan' izao Jehovah Andriamanitra masina izao? —Samoela I. 6:20b

TSY HAHAF-PO AN'ANDRIAMANITRA NY FIEZAHANTSIKA SAMIRERY

13

Romana 10:2, 3

Fa vavolombelon, ireny aho fa mazoto ho an' Andriamanitra izy' saingy tsy araka ny fahalalana. Fa satria tsy nahalala ny fahamarinana avy amin' Andriamanitra izy ka nitady hanamarina ny tenany, dia tsy nanaiky ny fahamari-nana avy amin' Andriamanitra.

Isaia 64:6a

Tsy misy miantso ny anaranao, na mifoha hifikitra aminao.

Ezekiela 33:13

Raha lazaiko amin' ny marina hoe: Ho velona tokoa hianao, nefa izy mitoky amin' ny fahamarinana ny ka manao meloka, dia tsy ho-

tsarovana ny fahamarinana rehe-tra izay nataony, fa ny heloka nataony no hahafaty azy.

Romana 8:8

Ary izay ao amin' ny nofo dia tsy mahay manao ny sitrapon' Andriamanitra.

Romana 3:20a

Satria tsy misy nofo hohamari-nina amin' ny asan' ny lalàna eo anatrehany.

Korintiana II. 3:5

Kanefa tsy mihambo hanana fahaleovana avy aminay hihevitra na amin' inona na amin' inona iza-hay; fa ny fahaleovanay dia avy amin' Andriamanitra.

NY OTA NO MANASARAKA ANTSIKA AMIN'ANDRIAMANITRA

Romana 5:12

Koa izany dia tahaka ny nidiran' ny ota avy tamin' ny olona iray ho amin' izao tontolo izao, ary ny ota no nidiran' ny fahafatesana, ka nahatratra ny olona rehetra ny fahafatesana, satria samy efa nanota izy rehetra.

Ezekiela 18:20a

Ny fanahy izay manota no ho faty.

Isaia 59:2

Fa ny helokareo no efitra mampisaraka anareo amin' Andriamanitrareo, ary ny fahotanareo no mampiafina ny tavany aminareo, ka dia tsy mihaino Izy.

Ohabolana 11:19b

Fa izay fatra-panaraka ny ratsy dia iharan' ny fahafatesana.

Tantara II. 24:20b

Izao no lazain' Andriamanitra: Nahoana hianareo no mandika ny didin' i Jehovah ka tsy mahita fanambinana? Satria efa nahafoy an' i Jehovah hianareo, dia nahafoy anareo kosa Izy.

Samoela I. 15:23a

Fa ny miodina dia toy ny heloka amin' ny fankatovana, ary ny ditra dia toy ny manompo sampy sy terafima. Satria nandà ny tenin' i Jehovah hianao, dia nola-viny tsy ho mpanjaka kosa.

Mpitsara marina Andriamania-
tra, eny, Andriamanitra Izay
tezitra isanandro. —Salamo 7:11

Mahari-po Jehovah sady be
hery ary tsy mety manamarina ny
meloka. —Nahoma 1:3a

Fa izany zavatra izany no ma-
hatonga ny fahatezeran' Andria-
manitra amin' ny zanaky ny tsi-
fanarahana. —Kolosiana 3:6

Fa aseho avy any an-danitra ny
fahatezeran' Andriamanitra amin'
ny faharatsiana rehetra sy ny tsi-
fahamarinan' ny olona izay mi-
sakana ny fahamarinana amin' ny
fanaovandratsy. —Romana 1:18

Ka dia feno ny tsi-fahamarina-
na rehetra, ny faharatsiana, ny
fieremana, ny lolompo,—feno fia-
lonana, vonoan-olona, fifandirana,
fitaka, otripa,—mpibitsibitsika,
mpanendrikendrika, halan' An-
driamanitra, mpampahory, mpia-
vonavona, mpandoka tena, mpa-
moron-tsain-dratsy, tsy manoa
ray sy reny, tsy manam-pahalala-
na, tsy mitana fanekena, tsy ma-
nam-pitiavana, tsy miantra; dia
olona mahalala tsara ny fitsipika
nomen' Andriamanitra fa izay
manao izany zavatra izany no
mendrika ho faty, nefa tsy manao
izany ihany izy, fa mankasitraka
ny manao koa. —Romana 1:29-32

Tahaka ny nanendrena ny olona ny ho faty indray mandeha, ary rehefa afaka izany, dia hisy fitsarana. —Hebreo 9:27b

Ary lazaiko aminareo fa hampamoahina ny olona amin' ny andro fitsarana noho ny amin' ny teny foana rehetra izay ataony. —Matio 12:36

Fa ny atao rehetra dia ho entin' Andriamanitra ho amin' ny fitsarana ny zava-miafina rehetra, na soa na ratsy. —Mpitoriteny 12:14

Dia tahaka izany no hatao amin' ny fahataperan' izao tontolo izao; hivoaka ny anjely ka hana-

vaka ny ratsy fanahy hisaraka amin' ny marina. —Matio 13:49

Ary nahita ny maty aho, na ny lehibe na ny kely, nitsangana teo anoloan' ny seza fiandrianana; ary novelarina ny boky; ary nisy boky iray koa novelarina, dia ny bokin' ny fiainana izany; ary ny maty dia notsaraina araka izay zavatra voasoratra teo anatin' ny boky, araka ny asany. Ary raha nisy tsy hita voasoratra teo anatin' ny bokin' ny fiainana, dia natsipy tany amin' ny farihy afo izy. —Apokalypsy 20:12, 15

Zavatra mahatahotra ny ho azon' ny tànan' Andriamanitra velona. —Hebreo 10:31

Ohabolana 15:3

Ny mason' i Jehovah amin' izao rehetra izao, mijery ny ratsy fanahy sy ny tsara fanahy.

Salamo 139:1-4

Jehovah ô, efa nandinika ahy Hianao ka mahalala ahy. Hianao no mahalala ny fipetrako sy ny fitsangako sady mahafantatra ny hevitra eny lavitra eny. Voadinika ny toetra, na mandeha aho, na mandry; ary fantatrao tsara ny alehako rehetra. Fa, indro, tsy misy teny tsy fantatrao eo amin' ny lelako, Jehovah ô.

Samoela I. 16:7b

Fa tsy mba toy ny fijerin' ny olona no fijerin' i Jehovah; fa ny

olona mijery ny miseho eo ivelany, fa Jehovah kosa mijery ny fo.

Salamo 94:9

Ny Mpanao ny sofina va tsy handre? Ny Mpamorona ny maso va tsy hahita?

Jeremia 16:17

Fa ny masoko dia mijery ny alehany rehetra, ka tsy miafina amin' ny tavako izany, ary tsy takona amin' ny masoko ny helony.

Ary tsy misy zavatra ary na inona na inona izay tsy miseho eo anatrehany; fa ny zavatra rehetra dia mihanjahanja sy aharihary eo imason' Izay iafaran' ny ataontsi-ka.
—Hebreo 4:13

Moa sitrako akory va ny fahafatesan' ny ratsy fanahy, hoy Jehovah Tompo, fa tsy ny hialany amin' ny alehany mba ho velona izy?
—Ezekiela 18:23

Tsia, hoy Izaho aminareo; fa raha tsy mibebaka hianareo, dia ho ringana tahaka azy koa hianareo rehetra.
—Lioka 13:3

Izay manafina ny fahotany tsy hambinina; fa izay mitsotra ka mahafoy azy no hahazo famindrampo.
—Ohabolana 28:13

Koa na dia ankehitriny aza, hoy Jehovah, miverena amiko amin' ny fonareo rehetra ary amin' ny fifadian-kanina sy ny fitomaniana ary ny fitarainana. Ary ny fona-

reo no triatriaro, fa aza ny fitafia-nareo, ary miverena amin' i Jehovah Andriamanitrareo; fa mamin-dra fo sy miantra Izy, mahari-po sady be famindrampo.

—Joela 2:12, 13a

Mitondrà teny hianareo, eny, miverena amin' i Jehovah, ka manaova aminy hoe: Mamelà ny heloka rehetra, ary raiso izay tsara.

—Hosea 14:3a

Dia hihira izy hilaza amin' ny olona hoe: efa nanota aho, fa nanao ny rariny ho heloka, . . . fa navotany ny fanahiko mba tsy hivarina any an-davaka, ary mifaly ny aiko amin' ny fahitana ny maza-va.
—Joba 33:27, 28

Isaia 55:6, 7

Mitadiava an' i Jehovah, dieny mbola hita Izy, miantsoa Azy, dieny mbola akaiky Izy. Aoka ny ratsy fanahy hahafoy ny lalany, ary ny tsy marina hahafoy ny heviny; ary aoka hiverina ho amin' i Jehovah ireny, fa hamindra fo aminy Izy, eny, ho amin' Andriamanitsika, fa hamela heloka dia hamela heloka tokoa Izy.

Salamo 34:18

Akaikin' izay manana fo mangorakoraka Jehovah ary mamonjy izay torotoro fanahy.

Dia samy hiala amin' ny lalany ratsy avy izy, ka havelako... sy ny fahotany. —Jeremia 36:3b

Ny fahotako nambarako taminao, ary ny heloko tsy mba nafeniko. Hoy izaho: Hiaiky ny fahadi-soako amin' i Jehovah aho; ary Hianao dia namela ny heloky ny fahotako. —Salamo 32:5

Jaona I. 1:9

Raha miaiky ny fahotantsika isika, dia mahatoky sy marina Izy ka mamela ny fahotantsika sy manadio antsika ho afaka amin' ny tsi-fahamarinana rehetra.

Koa mibebaha hianareo, ka miverena hamonoana ny fahotana-reo. —Asan' Ny Apostoly 3:19a

Ny fibebahana dia fialana amin'ny ota sy fiaikena izany eo anatrehan' Andriamanitra.

MBA HIAVANANTSIKA AMIN' ANDRIAMANITRA, DIA ILAINA NY FANATITRA

(Ny fahotana no nampisaraka, pejy 14.)

Levitikosy 17:11

Fa ny ain' ny nofo dia amin' ny ra; ary nomeko anareo izany hatao ambonin' ny alitara hanao fanavotana ho an' ny ainareo, fa ny ra no manao fanavotana, satria aina izany.

Hebreo 9:22

Ary saiky diovana amin' ny ra avokoa ny zavatra rehetra araka ny lalàna; fa raha tsy misy ra ala-tsaka, dia tsy misy famelan-keloka.

Eksodosy 12:5a, 13a

Zanak' ondry tsy misy kilema, dia lahy izay iray taona, no halai-

nareo Ary ny ra dia ho famantarana ho anareo eo amin' ny trano izay itoeranareo; ary raha mahita ny ra Aho, dia handalo anareo, ka tsy hisy loza handringana anareo.

Genesisy 22:8a, 13

Fa hoy Abrahama: Anaka, Andriamanitra no hahita izay ondry hatao fanatitra dorana Ary Abrahama niherika nijery, ka, indro, nisy ondrilahy teo ivohony, voasangazotry ny kirihitrana ny tandrony; dia lása Abrahama ka naka ny ondrilahy ary nanatitra azy ho fanatitra dorana ho solon' ny zanany.

Jaona 1:29

Nony ampitso dia nahita an' i Jesosy avy manatona azy Jaona, ka dia hoy izy: Indro ny Zanak' ondrin' Andriamanitra, Izay manaisotra ny fahotan' izao tontolo izao!

Hebreo 9:12, 28a

Ary tsy mba nitondra ran' osilahy sy ran-janak' omby Izy, fa ny ran' ny tenany, dia niditra indray mandeha ho any amin' ny fitoerana masina ka nahazo fanavotana mandrakizay. Dia tahaka izany koa Kristy, rehefa natolotra indray mandeha hitondra ny otan' ny maro.

Petera I. 1:18a, 19

Fa fantatrareo fa tsy zavatra mety ho simba, tahaka ny volafo-
tsy sy ny volamena, . . . fa ny ra
soan' i Kristy, toy ny ran' ny za-
nak' ondry tsy misy kilema ary
tsy misy pentimpentina.

Hebreo 9:14

Mainka fa ny ran' i Kristy, Izay nanatitra ny tenany tsy manan-
tsiny ho an' Andriamanitra, ta-
min' ny alalan' ny Fanahy man-
drakizay, no hahadio ny fieritrere-
tanareo ho afaka amin' ny asa ma-
ty mba hanompoanareo an' An-
driamanitra velona.

22 AVY AMIN'ANDRIAMANITRA IHANY NY FANAVOTANA

Romana 3:24, 25a

Nefa hamarinina maimaimpoana amin' ny fahasoavany izy noho ny fanavotana izay ao amin' i Kristy Jesosy, izay nasehon' Andriamanitra tamin' ny rany ho fanavotana amin' ny finoana.

Fa Andriamanitra mampiseho ny fitiavany antsika, fa fony mbo-la mpanota isika, dia maty hamonjy antsika Kristy. Koa mainka aza ny hamonjeny antsika ho afa-ka amin' ny fahatezerana ankehitriny, rehefa nohamarinina tamin' ny rany isika. —Romana 5:8, 9

Nefa nony fantatsika fa tsy hamarinina amin' ny asan' ny lalàna ny olona, fa amin' ny finoana an' i

Jesosy Kristy, dia nino an' i Kristy Jesosy. —Galatiana 2:16a

Fa fahasoavana no namonjena anareo amin' ny finoana; ary tsy avy aminareo izany, fa fanomezana avy amin' Andriamanitra; tsy avy amin' ny asa, fandrao hisy hirehareha. —Efesiana 2:8, 9

Izy no ambaran' ny mpaminany rehetra, fa amin' ny anarany no hahazoan' izay rehetra mino Azy famelan-keloka.

—Asan' Ny Apostoly 10:43

Ary tsy misy famonjena amin' ny hafa; fa tsy misy anarana hafa ambanin' ny lanitra nomena ny olona izay hahazoantsika famonjena. —Asan' Ny Apostoly 4:12

Lioka 1:26-37

...Ny anjely Gabriela ho any an-tanàna anankiray any Galilia atao hoe Nazareta, ho any amin' ny virijina anankiray, izay voafofo ho vadin' ny lehilahy atao hoe Josefa, avy tamin' ny taranak' i Davida; ary ny anaran' ny virijina dia Maria. ... Ary hoy ilay anjely taminy: Aza matahotra, ry Maria, fa efa nahita fitia tamin' Andriamanitra hianao. Ary, indro, hitoejaza hianao ka hiteraka zazalahy, ary ny anarany dia hataonao hoe JESOSY. Izy ho lehibe ka hatao hoe Zanak' ny Avo Indrindra; ... ary ny fanjakany tsy hanam-pahataperana. Ary hoy

Maria tamin' ilay anjely: Hanao ahoanare no hahatanteraka izany, fa tsy mahalala lahy aho? Ary ilay anjely namaly ka nanao taminy hoe: Ny Fanahy Masina ho tonga ao aminao, ary hisy herin' ny Avo Indrindra hanaloka anao; koa ny Masina Izay hateraka dia hatao hoe Zanak' Andriamanitra. ... Fa tsy hisy tsy ho tanteraka ny teny rehetra ataon' Andriamanitra.

I Adama sy i Kristy no hany olombelona tonga teto an-tany tsy mba avy tamin'ny firaisan' ny lahy sy ny vavy. I Adama nampiditra ny fahotana teto amin' izao tontolo izao, fa i Jesosy kosa nitondra ny fandresena ny ota.

Filipiana 2:6

Izay, na dia nanana ny endrik' Andriamanitra aza, dia tsy nataony ho zavatra hofikiriny mafy ny fitoviana amin' Andriamanitra.

Jaona 10:30, 36

Izaho sy ny Ray dia iray ihany. Moa Izay nohasinin' ny Ray ka nirahiny ho amin' izao tontolo izao va no ataonareo hoe: Miteny ratsy Hianao, satria hoy Izaho: Zanak' Andriamanitra Aho?

Jesosy Kristy, ilay Teny Mandrakizay, dia efa nisy hatrizay hatrizay. Fahagagana avy tamin' Andriamanitra no naha-torontoronina Azy tao an-kibon'i Maria. Amin' ny ara-nofo, dia “ny

Zanak'olona” no ahafantarana Azy, ary amin' ny ara-panahy kosa dia “ny Zanak' Andriamanitra”. Ny teny ho “Zanaka” dia ampiasain' ny Soratra Masina hana-zavana ny fifandraisana misy eo amin' Andriamanitra sy ny Teniny, dia i Jesosy Kristy izany.

Hebreo 10:5

Koa nony niditra tamin' izao fiainana izao Izy, dia nanao hoe: ... Fa tena no namboarinao ho Ahy.

Romana 1:4

Ary naseho tamin-kery ho Zanak' Andriamanitra araka ny fanahin' ny fahamasinana tamin' ny fitsanganana tamin' ny maty, —dia Jesosy Kristy Tompontsika.

Ary iaraha-manaiiky mihisty fa lehibe ny zava-miafina ny amin' ny toe-panahy araka an' Andriamanitra, dia Ilay naseho teo amin' ny nofo. —Timoty I. 3:16a

Fa ao amin' ny tenany no itoeran' ny fahafenoan' ny fomban' Andriamanitra rehetra. —Kolosiana 2:9

Fa Zaza no teraka ho antsika, zazalahy no omena antsika; ary ny fanapahana dia eo an-tsorony, ary ny anarany atao hoe Mahagaga, Mpanolo-tsaina, Andriamanitra Mahery, Rain' ny mandrakizay, Andrian' ny fiadanana. —Isaia 9:5

Hoy Jesosy taminy: . . . Fony tsy mbola ary Abrahama, dia Izy Aho. —Jaona 8:58

Teo amin' izao tontolo izao Izy, ary Izy no nanaovana izao tontolo izao, nefa izao tontolo izao tsy nahalala Azy. —Jaona 1:10

Fa iray no Andriamanitra, ary iray no Mpanalalana amin' Andriamanitra sy ny olona, dia Kristy Jesosy, Izay olona, sady nanolotra ny tenany ho avotra hisolo ny olona rehetra. —Timoty I. 2:5, 6a

Izay ananantsika fanavotana, dia ny famelana ny helotsika. Izy no endrik' Andriamanitra tsy hita. —Kolosiana 1:14, 15a

26 TENIN' ANDRIAMANITRA NY BAIBOLY (SORATRA MASINA)

Petera II. 1:21

Fa tsy nisy faminania avy tamin' ny sitrapon' ny olona tany aloha rehetra; fa avy tamin' Andriamanitra no nitenenan' ny olona araka izay nitondran' ny Fanahy Masina azy.

Lioka 1:70

(Araka izay nampilazainy ny mpaminaniny masina hatramin' ny fahagola).

Samoela II. 23:2

Ny Fanahin' i Jehovah no mam-piteny ahy, ary ny teniny no eo amin' ny lelako.

Timoty II. 3:16

Izay soratra rehetra nomen' ny tsindrimandrin' Andriamanitra

dia mahasoa koa ho fampianarana, ho fandresen-dahatra, ho fani-tsiana izay diso, ho fitaizana amin' ny fahamarinana.

Fa izay rehetra voasoratra fahiny dia nosoratana ho fianarantsika hananantsika ny fanantenana amin' ny faharetana sy ny fiononana avy amin' ny Soratra Masina.
—Romana 15:4

Mahadiso hevitra anareo ny tsi-fahafantaranareo ny Soratra Masina na ny herin' Andriamanitra.
—Matio 22:29b

Fa efa nomenao voninahitra ny teninao ho ambonin' ny anaranao rehetra.
—Salamo 138:2b

Apokalypsy 19:13

Ary miakanjo akanjo voafafy ra Izy; ary ny anarany atao hoe Ny Tenin' Andriamanitra.

Jaona 1:1, 14a

Tamin' ny voalohany ny Teny, ary ny Teny tao amin' Andriamanitra, ary ny Teny dia Andriamanitra. Ary ny Teny dia tonga nofo ka nonina tamintsika.

***I Jesosy no fanehoana an'
Andriamanitra***

Jaona 1:18

Tsy nisy nahita an' Andriamanitra na oviana na oviana; fa ny Zanakalahy Tokana, Izay ao an-

tratan' ny Ray, Izy no nanambara Azy.

***Andriamanitra no miteny amin'
ny alalan' i Jesosy***

Hebreo 1:1, 2

Rehefa nampitenenin' Andriamanitra tamin' ny razana fahiny ny mpaminany tamin' ny andro samy hafa sy ny fanao samy hafa; dia amin' izao andro farany izao kosa no nampitenenany tamintsika ny Zanany, Izay voatendriny ho Mpandova ny zavatra rehetra; Izy no nahariany izao tontolo izao.

Jaona 8:38a

Izay efa hitako tamin' ny Ray no lazaiko.

*Ny Baiboly dia Safafo ho
an' ny Fanahy*

Matio 4:4b

Tsy mofo ihany no hiveloman' ny olona, fa ny teny rehetra izay aloaky ny vavan' Andriamanitra.

*Ny Baiboly dia manazava
ny lalantsika*

Salamo 119:105

Fanilon' ny tongotro sy fanazavana ny làlako ny teninao.

Salamo 119:130

Mahazava ny famoahana ny hevitra ny teninao Ka manome fahalalana ho an' ny kely saina.

*I Jesosy dia Mofo avy any
an-danitra.*

Jaona 6:51a

Izaho no mofo velona izay nidi-na avy tany an-danitra.

*I Jesosy dia Fahazavan' izao
tontolo izao*

Jaona 1:4, 8:12

Izy no nisiam-piainana; ary ny fiainana no fanazavana ny olona. Ary Jesosy niteny tamin' ny olona indray ka nanao hoe: Izaho no fahazavan' izao tontolo izao; izay manaraka Ahy tsy mba handeha amin' ny maizina, fa hanana ny fahazavan' aina.

***Ny Baiboly dia miteraka
fiainana miroborobo***

Fa ny lalàn' i Jehovah no sitrany; eny, ny lalàny no sain-tsaininy andro aman-alina. Dia tahaka ny hazo ambolena eo amoron' ny rano velona izy, izay mamoa amin' ny fotoany, ny raviny koa tsy mba malazo; ary ny asany rehetra dia ataony lavorary avokoa. —Salamo 1:2, 3

***I Jesosy dia manome
fiainana miroborobo*** 29

Tomoera amiko ary Izaho aminareo.

Izaho no voaloboka, hianareo no sampany. Izay miray amiko, ary Izaho aminy, dia mamoa be izy; fa raha misaraka amiko kosa hianareo, dia tsy mahay manao na inona na inona.

—Jaona 15:4a, 5

MANAMBARA AN' I JESOSY KRISTY NY SORATRA MASINA

Jaona 5:39

Dinihinareo ny Soratra Masina, satria ataonareo fa ao aminy no anananareo fiainana mandrakizay, ary ireny no manambara Ahy.

Lioka 24:27

Dia nanomboka hatramin' i Mosesy sy ny mpaminany rehetra Izy, ka nanambara taminy ny hevitra ny teny milaza Azy ao amin' ny Soratra Masina rehetra.

30 TSY MIOVA MANDRAKIZAY NY TENIN' ANDRIAMANITRA

Ho mandrakizay, Jehovah ô, no nanorenanao any an-danitra ny teninao. Fahamarinana no tontalinkevitra ny teninao; ary mandrakizay ny fitsipikao marina rehetra.

—Salamo 119:89, 160

Maina ny ahitra, malazo ny voniny; fa ny tenin' Andriamanitsika dia haharitra mandrakizay.

—Isaia 40:8

Mandra-pahafoan' ny lanitra sy ny tany, dia tsy hisy ho foana akory amin' ny lalàna, na dia litera iray na tendron-tsoratra iray aza, mandra-pahatanterak' izy rehetra.

—Matio 5:18b

Ary ny Soratra Masina tsy azo foanana.

—Jaona 10:35b

Tsy sahy manova ny Baiboly ny olombelona

Deuteronomia 13:1

Izay rehetra andidiako anareo dia tandremo mba harahina; aza ampianao izany, ary aza anesoranao.

Ohabolana 30:6

Aza manampy ny teniny, fandrao hanariny hianao ka ho hita fa mpandainga.

Apokalypsy 22:19a

Ary raha misy manaisotra amin' ny teny amin' ny bokin' ity faminiana ity, dia hesorin' Andriamanitra ny anjarany amin' ny hazon' aina.

NY FAHAFATESAN' I JESOSY DIA FANATANTERAHANA 31

NY PLANIN' ANDRIAMANITRA

Jaona 10:17, 18a

Ary izany no itiavan' ny Raiko Ahy, satria Izaho manolotra ny aiko mba handraisako azy indray. Tsy misy manaisotra ny aiko amiko, fa ny tenako ihany no manolotra azy. Manana fahefana hanolotra azy Aho, ary manana fahefana haka azy indray.

Matio 26:53, 54

Ary ataonao va fa tsy mahazo mangataka amin' ny Raiko Aho, dia haniraka anjely tsy omby roa ambin' ny folo legiona ho etỳ amiko Izy ankehitriny? Raha izany, dia hatao ahoana no hahatanteraka ny Soratra Masina, izay milaza

fa tsy maintsy ho tonga izany?

Asan' Ny Apostoly 3:18

Fa izany no nahatanterahan' Andriamanitra ny zavatra nampilazainy ny mpaminany rehetra rahateo, fa hiaretan' ny Kristiny.

Asan' Ny Apostoly 2:23

Izy efa natolotra araka ny saina niniana sy ny fahalalan' Andriamanitra rahateo, dia nohomboanareo sy novonoinareo tamin' ny tànan' ny olona tsy tan-dalàna.

Isaia 53:10a

Nefa sitrak' i Jehovah ny hanorotoro sy hampangirifiry Azy; rehefa manolotra fanati-panonerana Izy.

32 NISY VAVOLOMBELONA NY FAHAFATESAN' I JESOSY

Ary nisy jiolahy roa nohomboany tamin' ny hazofijaliana koa, ny anankiray teo amin' ny ankanany, ary ny anankiray teo amin' ny ankaviany. Dia tanteraka ny Soratra Masina izay manao hoe: Ary natao ho isan' ny mpanonta Izy. —Marka 15:27, 28

Dia tonga ny miaramila ka nanapaka ny ranjon' ny voalohany sy ny an' ny anankiray koa izay niaraka nohomboana tamin' i Jesosy tamin' ny hazofijaliana. Fa nony nankeo amin' i Jesosy izy, dia hitany fa efa maty sahadry Izy, ka dia tsy mba notapahiny ny ranjony. Fa ny miaramila anankiray nandefona ny lanivoany, ary

niaraka tamin' izay dia nisy ra sy rano nandeha. . . . Fa tonga izany mba hahatanteraka ny Soratra Masina hoe: Tsy hisy hotapahina ny taolany. Ary . . . Hijery Izay nolefoniny izy. —Jaona 19:32-37

Ary rehefa niantso tamin' ny feo mahery indray Jesosy, dia nanolotra ny fanahiny. . . . dia nihorohoro ny tany, ka nitresaka ny vatolampy. Ary ny kapiteny sy ny fehiny, izay niambina an' i Jesosy, raha nahita ny horohoron-tany mbamin' izay zavatra tonga teo, dia raiki-tahotra indrindra ka nanao hoe: Marina tokoa fa Zanak' Andriamanitra io Lehilahy io. —Matio 27:50-51b, 54

Asan' Ny Apostoly 2:24, 32

Fa Andriamanitra nanangana Azy, rehefa nahafaka ny fanaintainan' ny fahafatesana, satria tsy laitr' izany hohazonina Izy. Izany Jesosy izany dia efa natsangan' Andriamanitra, ary vavolombelon' izany izahay rehetra.

Hebreo 2:14, 15

Koa satria manana nofo amandra ny zaza, dia mba nandray izany koa Izy, mba handringanany amin' ny fahafatesana ilay manana ny herin' ny fahafatesana, dia ny devoly, ary mba hanafahany izay rehetra nandany ny

fiainany rehetra tamin' ny fahandevozana noho ny tahotra ny fahafatesana.

Apokalypsy 1:18

Dia Ilay velona; efa maty Aho, nefa, indro, velona mandrakizay mandrakizay sady manana ny fanalahidin' ny fahafatesana sy ny fiainantsi-hita.

Timoty II. 1:10

Fa naharihary ankehitriny tamin' ny nisehoan' i Kristy Jesosy, Mpamonjy antsika, Izay nahafoana ny herin' ny fahafatesana, ka ny filazantsara no nampisehoany mazava ny fiainana sy ny tsi-fahalòvana mandrakizay.

34 INONA NO TOKONY HAVALINTSIKA AN' I JESOSY?

Apokalypsy 3:20

Indro, efa mitsangana eo ambaravarana Aho ka mandòndòna; raha misy mihaino ny feoko ka mamoha ny varavarana, dia hidi-tra ao aminy Aho ka hiara-misakafo aminy, ary izy amiko.

Romana 4:5

Fa ho an' izay tsy miasa kosa, fa mino Izay manamarina ny ratsy fanahy, dia ny finoany no isaina ho fahamarinana.

Jaona 20:22b; 16:24b

Raiso ny Fanahy Masina;... mangataha, dia hahazo hianareo, mba ho tanteraka ny fifalianareo.

Satria raha manaiky an' i Jesosy ho Tompo amin' ny vavanao hianao ary mino amin' ny fonao fa Andriamanitra efa nanangana Azy tamin' ny maty, dia hovanjena hianao. —Romana 10:9

Matio 10:37a; 16:24, 25

Izay tia ray na reny mihoatra noho ny fitiavany Ahy dia tsy mendrika ho Ahy.... Dia hoy Jesosy tamin' ny mpianany: Raha misy olona ta-hanaraka Ahy, aoka izy handà ny tenany sy hitondra ny hazofijaliany ka hanaraka Ahy. Fa na iza na iza no ta-hamonjy ny ainy, dia hahavery azy; ary na iza na iza no hahavery ny ainy noho ny amiko, dia hahazo izany.

Jaona I. 5:11b, 12

Fiaianana mandrakizay no omen' Andriamanitra antsika, ary ao amin' ny Zanany izany fiainana izany. Izay manana ny Zanak' no manana ny fiainana; izay tsy manana ny Zanak' Andriamanitra no tsy manana ny fiainana.

Galatiana 2:20a

Voahombo miaraka amin' i Kristy amin' ny hazofijaliana aho, ary tsy izaho intsony no velona, fa Kristy no velona ato anatiko; fa izay ivelomako ankehitriny eo amin' ny nofo dia ivelomako amin' ny finoana ny Zanak' Andriamanitra.

Romana 8:2

Fa ao amin' i Kristy Jesosy ny

lalàn' ny Fanahin' aina no nahafaka ahy tamin' ny lalàn' ny fahotana sy ny fahafatesana.

Korintiana II. 5:17

Koa raha misy olona ao amin' i Kristy, dia olom-baovao izy; efa lasa ny zavatra taloha, indreo, efa tonga vaovao ireo.

Petera I. 1:23, 2:2

Fa efa teraka indray hianareo, tsy tamin' ny voa mety ho lo, fa tamin' ny tsy mety ho lo, dia ny tenin' Andriamanitra, izay velona sady maharitra. Fa tahaka ny za-za vao teraka dia maniria ny ronom-panahy tsy misy fitaka, mba hitomboanareo amin' izany ho amin' ny famonjena.

Salamo 68:5

Rain' ny kamboty sy Mpanome rariny ny mpitondratena Andriamanitra ao amin' ny fonenany masina.

Isaia 64:8; 63:16b

Aza dia tezitra mafy loatra, Jehovah ô, ary aza dia mahatsiaro heloka mandrakizay; Masina Hianao, tsinjovy, fa olonao izahay rehetra. Kanefa Hianao no Rainay, fa Abrahama tsy mahalala anay, ary Isiraely tsy mahafantatra anay, Jehovah ô, Hianao no Rainay, ary Mpanavotra anay no anaranao hatrizay hatraizay.

Matio 7:11; 6:9

Koa raha hianareo, na dia ratsy

aza, mahalala hanome zava-tsoa ho an' ny zanakareo, tsy mainka va ny Rainareo Izay any an-danitra no hanome zava-tsoa ho an' izay mangataka aminy? ... Koa amin' izany mivavaha toy izao hianareo: Rainay Izay any an-danitra, hohamasinina anie ny anaranao.

Korintiana II. 6:17b, 18

Ary Izaho dia handray anareo. Ary ho Rainareo Aho, ary hianareo ho zanako-lahy sy ho zanakovavy, hoy Jehovah Tsitoha.

Romana 8:14

Fa izay tarihin' ny Fanahin' Andriamanitra no zanak' Andriamanitra.

Jaona 14:6, 7, 23b

Hoy Jesosy taminy: Izaho no là-lana sy fahamarinana ary fiainana; tsy misy olona mankany amin' ny Ray, afatsy amin' ny alalako. Raha nahafantatra Ahy hianareo, dia ho nahafantatra ny Raiko koa; ary hatramin' izao dia mahafantatra Azy hianareo sady efa nahita Azy. Raha misy tia Ahy, dia hitandrina ny teniko izy; ary ny Rai-ko ho tia azy, ary hankao aminy Izahay ka honina ao aminy.

...Andriamanitra ny Zanany,
...hanavotany izay ambanin' ny lalàna, mba handraisantsika ny fananganan-anaka. Ary satria zanaka hianareo, dia nirahin' An-

driamanitra ho ato am-pontsika ny Fanahin' ny Zanany, miantso hoe: Aba, Ray ô. Fa hianareo rehetra dia zanak' Andriamanitra amin' ny finoana an' i Kristy Jesosy. —Galatiana 4:4-6; 3:26

Fa izay rehetra nandray Azy dia nomeny hery ho tonga zanak' Andriamanitra, dia izay mino ny anarany. —Jaona 1:12

Ary raha misy manota, dia manana Solovava ao amin' ny Ray isika, dia Jesosy Kristy, Ilay Marina. —Jaona I. 2:1b

Efesiana 2:18

Fa Izy no ananantsika roa tonta fanatonana amin' ny Fanahy iray ho any amin' ny Ray.

NY AO AMIN' I JESOSY DIA FITIAVANA, FIFALIANA, FIADANANA

Ary izay mitoetra amin' ny fitiavana no mitoetra ao amin' Andriamanitra, ary Andriamanitra ao aminy. —Jaona I. 4:16b

Ary aoka samy halemy fanahy amin' ny namany avy hianareo, ka hifampiantra sy hifamela heloka, tahaka ny namelan' Andriamanitra ny helokareo ao amin' i Kristy. —Efesiana 4:32

Izany no hahafantaran' ny olona rehetra fa mpianatro hianareo, raha mifankatia. —Jaona 13:35

Fa ny vokatry ny Fanahy kosa dia fitiavana, fifaliana, fiadanana. —Galatiana 5:22a

Hampahafantatra ahy ny lalan' aina Hianao; fahavokisam-pifaliana no eo anatrehanao.

—Salamo 16:11a

Koa amin' izany, satria efa nohamarinina tamin' ny finoana isika, dia aoka isika hanana fihaavanana amin' Andriamanitra amin' ny alalan' i Jesosy Kristy Tompontsika.

—Romana 5:1

Fiadanana no avelako ho anareo, ny fiadanako no omeko anareo; tsy tahaka ny fanomen' izao tontolo izao no fanomeko anareo. Aza malahelo na matahotra ny fonareo. —Jaona 14:27

HATSANGAN' I JESOSY AMIN' NY MATY IREO TENA 39

MPANARAKA AZY MARINA

Romana 8:11

Ary raha ny Fanahin' Izay nanangana an' i Jesosy tamin' ny maty no mitoetra ao anatinareo, dia Izay nanangana an' i Kristy Jesosy tamin' ny maty no hamelona ny tenanareo mety maty amin' ny Fanahiny, Izay mitoetra ao anatinareo.

Korintiana I. 6:14

Ary Andriamanitra efa nanangana ny Tompo sady hanangana antsika koa amin' ny heriny.

Jaona 6:40

Fa izao no sitrapon' ny Raiko, dia ny hahazoan' izay rehetra mijery ny Zanaka ka mino Azy fia-

nana mandrakizay; ary Izaho hanangana azy amin' ny andro farany.

Korintiana I. 15:21-23

Ary satria ny olona iray no nisehoan' ny fahafatesana, dia ny Olona iray kosa no nisehoan' ny fitsanganan' ny maty. Fa tahaka ny ahafatesan' ny olona rehetra ao amin' i Adama no ahaveloman' ny olona rehetra kosa ao amin' i Kristy. Nefa samy amin' ny filaharany avy: Kristy no santatra; rehefa afaka izany, dia izay an' i Kristy amin' ny fihaviany.

Satria velona Aho dia ho velona koa hianareo. —Jaona 14:19b

AZA ATAO TSINONTSINONA IZAO FAMONJENA LEHIBE IZAO

Izay manohitra ny lalàn' i Mosesy dia maty amin' ny tenin' ny vavolombelona roa na telo ka tsy asiana famindrampo; manao ahoana kosa ary ny hamafin' ny fampijaliana ataonareo tokony hihatra amin' izay nanitsaka ny Zanak' Andriamanitra ka nanao ny ran' ny fanekena izay nanamasinana azy ho zavatra tsy masina sady naniratsira ny Fanahin' ny fahasoavana? —Hebreo 10:28, 29

Izay mandà Ahy ka tsy mandray ny teniko, dia manana izay mitsara azy: ny teny izay nolazainy, izany ihany no hitsara azy amin' ny andro farany.

—Jaona 12:48

Jaona 8:24

Koa izany no nilazako tamina-reo fa ho faty amin' ny fahotana-reo hianareo; fa raha tsy mino hianareo fa Izaho no Izy, dia ho faty amin' ny fahotana-reo hianareo.

Lioka 12:4, 5

Ary lazaiko aminareo sakaizako hoe: Aza matahotra izay mamono ny tena, nefa nony afaka izany, dia tsy mahay manao mihoatra noho izany. Fa hasehoko anareo izay hatahoranareo: Matahora Izay manam-pahefana hanary any amin' ny helo, rehefa novonoiny; eny, hoy Izaho aminareo: Matahora Azy.

Asan' Ny Apostoly 17:31

Satria Izy efa nanendry andro iray, izay hitsarany izao tontolo izao amin' ny fahamarinana amin' ny alalan' ny Lehilahy iray votendriny, koa efa nanome vavolombelona hampino ny olona rehetra izany Izy tamin' ny nanangany Azy tamin' ny maty.

Jaona 5:22, 23a

Fa ny Ray aza tsy mitsara olona, fa ny fitsarana rehetra dia nomeny ny Zanaka, mba hanajan' ny olona rehetra ny Zanaka, taha-ka ny fanajany ny Ray.

Korintiana II. 5:10

Fa isika rehetra dia samy tsy maintsy ho hita toetra miharihary

eo amin' ny fitsaran' i Kristy, mba handraisana ny olona rehetra ...dia araka izay nataony, na tsara na ratsy.

Romana 2:16

Amin' ny andro izay hitsaran' Andriamanitra ny zavatra takona ataon' ny olona, araka ny filazantsarako amin' ny alalan' i Jesosy Kristy.

Tesaloniana II. 1:7b, 8

Raha hiseho Jesosy Tompo, avy any an-danitra mbamin' ny anjelin' ny heriny, amin' ny afo midedadeda, hamaly izay tsy mahalala an' Andriamanitra sy izay tsy manaiky ny filazantsaran' i Jesosy Tompontosika.

42 TSY IZAY REHETRA MILAZA FA MPANARA-DIA AN' I JESOSY DIA AN' I JESOSY AVOKOA

Titosy 1:16a

Manaiky fa mahalala an' Andriamanitra izy, nefa mandà Azy amin' ny asany.

Romana 8:9b

Fa raha misy kosa tsy manana ny Fanahin' i Kristy dia tsy Azy izy.

Ezekiela 33:31b

Ary mahare ny teninao, nefa tsy mety mankatò azy; fa, indro, teny mamy no lazain' ny vavany, nefa ny fony dia lasa manaraka ny filan-karena.

Matio 15:8

Ity firenena ity manaja Ahy amin' ny molony; fa ny fony kosa lavitra Ahy.

Tsy izay rehetra manao amiko hoe: Tompoko, Tompoko, no hidi-tra amin' ny fanjakan' ny lanitra, fa izay manao ny sitrapon' ny Rakiko Izay any an-danitra. Maro no hanao amiko amin' izany andro izany hoe: Tompoko, Tompoko, tsy efa naminany tamin' ny anaranao va izahay? ary tsy efa namo-aka demonia tamin' ny anaranao va izahay? ary tsy efa nanao asa lehibe maro tamin' ny anaranao va izahay? Ary dia hambarako aminy marimarina hoe: Tsy mba fantatro akory hianareo hatrizay-hatrizay; mialà amiko, hianareo mpanao meloka. —Matio 7:21-23

Ary izao no ahafantarantsika fa mahalala Azy isika, dia ny fitandremana ny didiny. —Jaona I. 2:3

Ary ny Fanahiko no hataoko ao anatinareo, ka hahatonga anareo handeha araka ny lalàko sy hitandrina ny fitsipiko ka hanaraka azy. —Ezekiela 36:27

Ary rehefa natao tanteraka Izy, dia tonga loharanon' ny famonjena mandrakizay ho an' izay rehetra manaraka Azy. —Hebreo 5:9

Romana 6:18

Ary rehefa natao afaka tamin' ny ota hianareo, dia tonga mpanompon' ny fahamarinana.

Efesiana 2:10

Fa asany isika, voaforona tao

amin' i Kristy Jesosy mba hanao asa tsara, izay namboarin' Andriamanitra rahateo mba handehanantsika eo aminy.

Romana 8:10, 13

Fa raha Kristy no mitoetra ao anatinareo, na dia maty ihany aza ny tena noho ny ota, dia fiainana kosa ny fanahy noho ny fahamarinana. Fa raha velona araka ny nofo hianareo, dia tsy maintsy maty; fa raha ny Fanahy no amononareo ny asan' ny tena, dia ho velona hianareo.

Timoty II. 2:19b

Aoka ny olona rehetra izay manonona ny anaran' ny Tompo hiala amin' ny ratsy.

HALAN' IZAO TONTOLO IZAO NY MPANARAKA AN' I JESOSY

Jaona 15:18, 19

Raha halan' izao tontolo izao hianareo, dia aoka ho fantatrareo fa Izaho efa halany talohanareo. Raha naman' izao tontolo izao hianareo, dia ho tia ny azy izao tontolo izao; fa satria tsy naman' izao tontolo izao hianareo, fa Izaho efa nifidy anareo tamin' izao tontolo izao, dia hálán' izao tontolo izao hianareo.

Jaona 16:2b, 3

Eny, ho avy ny andro, ka hataon' izay rehetra mamono anareo fa manatitra fanompoam-pivavahana ho an' Andriamanitra izy.

Ary izany no hataony, satria tsy fantany ny Ray na Izaho.

Asan' Ny Apostoly 14:22b

Sady nilaza fa tsy maintsy ho amin' ny fahoriana be no idirantsika amin' ny fanjakan' Andriamanitra.

Timoty II. 3:12

Eny, izay rehetra te-ho velona amin' ny toe-panahy araka an' Andriamanitra, izay ao amin' i Kristy Jesosy, dia henjehina.

Jaona 16:33b

Atỳ amin' izao tontolo izao no ahitanareo fahoriana; nefa mato-kia; Izaho efa naharesy izao tontolo izao.

Isaia 41:10

Aza matahotra hianao, fa momba anao Aho; ary aza miherikerika foana, fa Izaho no Andriamanitrao; mampahery anao Aho sady mamonjy anao; eny, mitantana anao amin' ny tãnana ankavanan' ny fahamarinako Aho.

Salamo 27:10

Fa ny raiko aman-dreniko efa nahafoy ahy; fa Jehovah kosa no mandray ahy.

Hebreo 13:6

Ka dia sahy manao hoe isika: Jehovah no Mpamonjy ahy, ka tsy hatahotra aho; inona no azon' ny olona atao amiko?

Petera I. 4:14a

Sambatra hianareo, raha hara-

tsina noho ny anaran' i Kristy; fa ny Fanahin' ny voninahitra, dia ny Fanahin' Andriamanitra.

Salamo 91:11; 23:4a

Fa Izy handidy ny anjelin' ny aminao Mba hiaro anao eny amin' izay rehetra halehanao. Eny, na dia mandeha mamaky ny lohahalo aloky ny fahafatesana aza aho, dia tsy hatahotra ny loza aho; fa Hianao no amiko.

Filipiana 4:13, 19

Mahay ny zavatra rehetra aho ao amin' Ilay mampahery ahy. Fa Andriamanitra hahatanteraka izay rehetra tokony ho anareo araka ny haren' amin' ny voninahitra ao amin' i Kristy Jesosy.

Tsy misy fakam-panahy nahazo anareo afa-tsy izay zakan' ny olombelona; nefa mahatoky Andriamanitra ka tsy hamela anareo halaim-panahy mihoatra noho izay zakanareo; fa momba ny fakam-panahy dia hasiany lalana hahafahanareo koa mba hahazakanareo izany. —Korintiana I. 10:13

Hebreo 4:16

Koa aoka isika hanatona ny seza fiandrianan' ny fahasoavana amin' ny fahasahiana, mba hahazoantsika famindrampo sy hahitantsika fahasoavana ho famonjena amin' izay andro mahory.

Jaona I. 1:7

Fa raha mandeha eo amin' ny

mazava isika, tahaka Azy eo amin' ny mazava, dia manana firaisana isika, ary ny ran' i Jesosy Zanany no manadio antsika ho afaka amin' ny ota rehetra.

Romana 6:11

Ary aoka ho tahaka izany koa hianareo, ka ny tenanareo dia ataovy ho efa maty ny amin' ny ota, fa velona ho an' Andriamani-
tra ao amin' i Kristy Jesosy.

Jakoba 4:7

Ka dia maneke an' Andriamani-
tra hianareo; ary manohera ny devoly, dia handositra anareo izy.

Salamo 119:11

Ato am-poko no iraketako ny teninao, mba tsy hanotako aminao.

NY VAVAKA MARINA DIA FIFANDRAISANA AMIN' ANDRIAMANITRA

47

Salamo 27:8

Raha hoy Hianao: Tadiavona-reo ny tavako, dia hoy ny navalin' ny foko: Eny, ny tavanao no tadiaviko, Jehovah ô.

Salamo 62:8

Matokia Azy mandrakariva hianareo, ry olona; loary eo anatrehany ny fonareo; Andriamanitra no aro ho antsika.

Jeremia 17:14

Jehovah ô, sitrano aho, dia ho sitrana; vonjeo aho, dia ho voavonjy; fa Hianao no fidèrako.

Tesaloniana I. 5:17, 18

Mivavaha, ka aza mitsahatra. Misaora amin' ny zavatra rehetra;

fa izany no sitrapon' Andriamanitra ao amin' i Kristy Jesosy ho anareo.

Jaona 15:7

Raha miray amiko hianareo, ka mitoetra ao anatinareo ny teniko, dia angataho izay tianareo na inona na inona, fa ho tonga aminareo izany.

Salamo 34:4

Mitady an' i Jehovah aho, dia mamaly ahy Izy ka manafaka ahy amin' ny tahotro rehetra.

Raha nankasitraka ota tao ampoko aho, dia tsy mba hihaino ny Tompo. Noho ny anaranao, Jehovah ô, dia mamelà ny heloko fa lehibe izany. —Salamo 66:18; 25:11

Tesaloniana I. 4:16, 17

Fa ny tenan' ny Tompo no hidina avy any an-danitra amin' ny fiantsoana sy ny feon' ny arikanjely ary ny trompetran' Andriamanitra, ka izay maty ao amin' i Kristy no hitsangana aloha; ary rehefa afaka izany, dia isika izay velona ka mbola mitotra no hakarina hiaraka aminy ho eny amin' ny rahona hitsena ny Tompo any amin' ny habakabaka; dia ho any amin' ny Tompo mandrakariva isika.

Korintiana II. 7:1

Koa raha manana ireo teny fika-sana ireo isika, ry malala, dia aoka isika hanadio ny tenantsika ho afaka amin' ny fahalotoana rehe-

tra, na amin' ny nofo na amin' ny fanahy, ka hahatanteraka ny fahamasinana amin' ny fahatahorana an' Andriamanitra.

Jaona I. 2:28

Ary ankehitriny, anaka, tomoe-ra ao aminy, mba hananantsika fahasahiana, raha hiseho Izy, ka tsy ho menatra eo anatrehany amin' ny fihaviany.

Jakoba 5:8

Mahareta koa hianareo, mam-pahereza ny fonareo, fa efa mby akaiky ny fihavian' ny Tompo.

Lioka 12:40

Dia miomàna koa hianareo; fa ho avy ny Zanak' olona amin' izay ora tsy ampoizinareo.

AOKA HO FENO NY FANAHIN' ANDRIAMANITRA IANAO

Ohalobana 1:23

Miverena hianareo hihaino ny fananarako; indro, haidiko aminareo ny fanahiko, ary hampahafantariko anareo ny teniko.

Asan' Ny Apostoly 2:38b

...Mibebaha, ary aoka samy hatao batisa amin' ny anaran' i Jesosy Kristy hianareo rehetra mba hahazo famelana ny helokareo; ary hianareo handray ny fanomezana, dia ny Fanahy Masina.

Ary aza ho mamon-divay hianareo, fa amin' izany dia misy fanaranam-po amin' ny ratsy, fa aoka hofenoina ny Fanahy, ... misotra an' Andriamanitra Ray man-

drakariva noho ny zavatra rehetra, amin' ny anaran' i Jesosy Kristy Tompontsika, sady mifanaiky amin' ny fahatahorana an' i Kristy. —Efesiana 5:18, 20-21

Fa Andriamanitra no miasa ao anatinareo na ny fikasana na ny fanaovana hahatanteraka ny sitrapony. —Filipiana 2:13

Korintiana I. 3:16; 6:20

Tsy fantatrareo va fa tempolin' Andriamanitra hianareo, ary ny Fanahin' Andriamanitra mitoetra ao anatinareo? Fa olom-boavidy hianareo, koa dia mankalazà an' Andriamanitra amin' ny tenanareo.

Published in numerous languages by World Missionary Press, Inc. as God supplies funds in answer to prayer. If you would like more copies for prayerful distribution, specify which language(s) you need and how many booklets.

Isan-Tokantrano ho an'i Kristy
BP 754
Mahajanga 401
Mailaka: itk@moov.mg

Omena Maimaim-poana – Tsy Azo Amidy



Read booklets online or by App
www.wmp-readonline.org